




竹書紀年







竹 書 紀 年

沈 約 注  
洪 頤 煊 校

叢書集成初編

(補印本)

竹 書 紀 年

一九三七年六月初版  
一九五九年十月補印

沈 約 注

洪 頤 煊 校

商 務 印 書 館 出 版

上海大眾文化印刷廠印刷





叢書集成  
初編

商務印書館

本館叢書集成初編所選范  
氏二十一種奇書三代遺書  
古今逸史漢魏叢書祕書二  
十一種及平津館叢書皆收  
有此書平津本爲洪頤煊校  
正釐定沈約注文并補脫原  
文五十餘條故據以排印

# 校正竹書紀年序

今本竹書紀年二卷。不知何人撰集。案晉書束皙傳云。晉太康二年。盜發魏襄王墓。或言安釐王家。得竹書數十車。其紀年十三篇。隋書經籍志紀年十二卷。新唐書藝文志紀年十四卷。今本紀年止二卷。其誤一。束皙傳云。紀年十三篇。記夏以來至周幽王爲犬戎所滅。以事接之。三家分仍述魏事。至安釐王之二十年。杜預春秋後序云。紀年篇起自夏殷周。皆三代王事。無諸國別也。唯特晉國起自殤叔。次文侯昭侯。以至曲沃莊伯。皆用夏正建寅之月爲歲首。編年相次。晉國滅。獨記魏事。下至魏哀王之二十年。據此二說。束皙杜預所見紀年本。起自夏殷至周幽王以後。以晉紀年。晉滅以魏紀年。今本紀年乃起自黃帝至魏今王二十年。幽王以後。皆以周王紀年。誤二。水經丹水注。引晉烈公三年。楚人伐我南鄙。汝水注。引晉烈公十二年。王命韓景子趙烈子及我師伐齊。我者晉也。沁水注。引梁惠成王元年。趙成侯偃韓懿侯若伐我葵。河水注。引梁惠成王二年。齊田壽帥師伐我圍觀。我者魏也。若如今本用周王紀年。則我皆爲周。文義盡失。其誤三。今本有沈約注。案梁書沈約傳。並不言注竹書紀年。隋唐志亦無紀年沈約注。今本注文。多與宋書符瑞志相同。疑皆後人屬入。其誤四。然今本頗信其非出於僞撰者。史記魏世家集解。引和嶠云。紀年起自黃帝。終於魏之今王。郭璞注山海經。引竹書。昌意降居若水。產帝乾荒。又引顓頊產伯鯀。是維若陽。與今本同。與束皙杜預本異。隋書經籍志有竹書同異一卷。疑當時所得竹書。傳寫各異。其

本亦不能盡歸於一。今本或猶是和嶠郭璞所見之舊。其證一。新唐書劉昫傳云。昫嘗以竹書紀年序諸侯列會皆舉謚。後人追修。非當時正史。如齊人殲於遂。鄭棄其師。皆孔子新意。知按春秋經傳而爲也。今本文法大略相似。是今本所存。其未見前人所引者。亦不能遽定其爲後人掇拾他書所爲。其證二。今本夏殷後。皆有總記年數。幽王後。亦云自武王元年己卯至幽王庚午。二百九十二年。平王下云。自東遷以後。始紀晉事。王卽位皆不書。疑今本唯東遷以後。周王紀年。是後人所改。其餘皆紀年原文。其證三。沈約注。雖由後人僞題。韓愈黃陵廟碑。引竹書紀年云。帝王之崩曰陟。史記夏本紀集解。文選六代論。李善注。引自禹至桀十七世。有王與無王。用歲四百七十一年。皆作紀年。是舊本紀年。本有注文。唯爲後人所屬亂耳。其證四。據此則今本紀年。雖經後人變改。殘闕失次。非僞書可比。庚申夏。頤煊游學武林。孫淵如觀察屬重校是書。因仍取今本。歷證羣書所引。訂正於每年之下。并補脫五十餘條。注中有明見於宋書符瑞志者。削之。其可信者存之。明知非汲冢之舊。亦聊存梗槩而已。書成。因序其大略如此。嘉慶七年三月二日。臨海洪頤煊撰。



# 竹書紀年目錄

## 卷上

黃帝軒轅氏

帝顓頊高陽氏

帝堯陶唐氏

帝禹夏后氏

帝太康

帝相

帝杼

帝芒

帝不降

帝厘

帝昊

帝癸

帝摯少昊氏

帝嚳高辛氏

帝舜有虞氏

帝啓

帝仲康

帝少康

帝芬

帝泄

帝扃

帝孔甲

帝發

殷商成湯

外丙  
太甲  
小庚  
雍己  
仲丁  
河亶甲  
祖辛  
祖丁  
陽甲  
小辛  
武丁  
祖甲  
庚丁  
文丁  
帝辛

仲壬  
沃丁  
小甲  
太戊  
外壬  
祖乙  
開甲  
南庚  
盤庚  
小乙  
祖庚  
馮辛  
武乙  
帝乙

卷下

周武王

康王

穆王

懿王

夷王

宣王

平王

莊王

惠王

頃王

定王

靈王

敬王

貞定王

成王

昭王

共王

孝王

厲王

幽王

桓王

釐王

襄王

匡王

簡王

景王

元王

考王

竹書紀年目錄

威烈王

烈王

懷觀王

安王

顯王

隱王



# 竹書紀年卷上

臨海 洪頤煊 校

黃帝軒轅氏

史記魏世家集解引和嶠云紀年起自黃帝終於魏之今王

元年帝卽位居有熊 初制冕服

二十年景雲見以雲紀官

五十年秋七月庚申鳳鳥至帝祭于洛水

徐文靖本作五十七年

五十九年貫胸氏來賓 長股氏來賓

七十七年昌意降居若水產帝乾荒

山海經海內經注引同孫之騷本無帝字

一百年地裂 帝陟

帝王之崩皆曰陟書稱新陟王謂新崩也帝以土德王應地裂而崩葬羣臣有左徹者感思帝德取衣冠几杖而廟饗之諸侯大夫歲時朝焉

韓俞黃陵廟碑引竹書紀年云帝王之崩曰陟太平御覽七十九引抱朴子曰汲冢中竹書言黃帝既仙去其臣有左徹者削木爲黃帝之像帥諸侯朝奉之據

二條此非注文可知。今本帝後總論或年下附注疑紀年原文如此。後人傳寫誤與注文相亂。今惟刪去宋書符瑞志并約按語餘皆存之。

帝摯少昊氏。

吳瑄本無此五字。路史引紀年云黃帝死七年其臣左徹乃立顓頊。羅泌所見本疑亦無此五字。

帝顓頊高陽氏。

元年帝卽位居濮。

十三年初作歷象。

二十一年作承雲之樂。

三十年帝產伯鯨居天穆之陽。

山海經大荒西經注引伯鯨下有是維若陽四字。

七十八年帝陟術器作亂辛侯滅之。

帝嚳高辛氏。

元年帝卽位居亳。

十六年帝使重帥師滅有鄗。

吳本范欽本鄗作削。

四十五年帝錫唐侯命。

六十三年帝陟。

帝子摯立九歲而廢。

帝堯陶唐氏。

元年丙子帝卽位居冀。

諸書引竹書紀年皆無甲子紀年。惟隋書律歷志引竹書紀年堯元年景子路史後紀注引帝堯元年丙子與今本同。

命羲和歷象。

五年初巡狩四岳。

七年有麟。

十二年初治兵。

十六年渠搜氏來賓。

十九年命共工治河。

二十九年春。雒儁氏來朝。貢沒羽。

四十二年。景星見于翼。

孫云一作景星出翼軫。

五十年。帝遊于首山。乘素車元駒。

五十三年。帝祭于洛。

五十八年。帝使后稷放帝朱于丹水。

史記五帝本紀。高祖本紀。正義兩引。俱作后稷放帝于丹水。山海經海內南經注云。竹書亦云放帝朱于丹水。丹朱稱帝者。猶漢山陽公死。加獻帝之謚也。郭璞所見本。帝下無子

字。今  
从之。

六十一年。命崇伯鯀治河。

六十九年。黜崇伯鯀。

七十年春正月。帝使四岳錫虞舜命。

七十一年。帝命二女嬪于舜。

七十三年春正月。舜受終于文祖。

七十四年。虞舜初巡狩四岳。

七十五年。司空禹治河。

七十六年。司空禹伐曹魏之戎。克之。



八十六年。司空入覲。費用玄圭。

八十七年。初建十有二州。

八十九年。作游宮于陶。

九十年。帝游居于陶。

九十七年。司空巡十有二州。

一百年。帝陟于陶。

史記五帝本紀正義引竹書云。昔堯德衰。爲舜所囚。又引竹書云。舜囚堯。復餓寒丹朱。使不得與父相見也。史通疑古篇引汲冢書云。舜放堯于平陽。雜說篇引汲冢瑣語云。舜放堯于平陽。而書云。某地有城。以因堯爲號。識者

懸斯異說。頗以禪受爲疑。廣宏明集十一引汲冢竹書云。舜囚堯於平陽。取之帝位。今見有因堯城。皆與今本異。據史通所引。是瑣語之文。

帝子丹朱避舜于房陵。舜讓不克。朱遂封于房。爲虞賓。三年。舜卽天子之位。

爲虞賓三字本脫。从范本補。

帝舜有虞氏。

元年己未。帝卽位。居冀。作大韶之樂。

三年。命咎陶作刑。

北堂書鈔十七引同吳本皆作臯。

九年西王母來朝。

十四年卿雲見命禹代虞事。

十五年帝命夏后有事于太室。

十七年春二月入學初用萬。

二十五年息慎氏來朝貢弓矢。

二十九年帝命子義鈞封于商。

三十年葬后有于渭。

三十二年帝命夏后總師遂陟方岳。

三十三年春正月夏后受命于神宗遂復九州。

三十五年帝命夏后征有苗有苗氏來朝。

通鑑外紀一注引鹽巢子汲冢紀年云三苗將亡天雨血夏有冰地坼及泉青龍生于廟日夜出晝日不出三苗數叛數亡未知衆異出于何時今本不載有苗之

亡附記

于此

四十二年元都氏來朝貢寶玉。

四十七年冬。隕霜不殺草木。

四十九年。帝居于鳴條。

五十年。帝陟。

義鈞封于商。是謂商均。后育娥皇也。鳴條有蒼梧之山。帝崩遂葬焉。今本下有今海州三字。是後人所加。今刪。

帝禹夏后氏。

元年壬子。帝卽位。居冀。漢書地理志注。臣瓚曰。世本禹都陽城。汲郡古文亦云居之。今作居冀。誤。頒夏時于邦國。

二年。咎陶薨。

五年。巡狩。會諸侯于塗山。

八年春。會諸侯于會稽。殺防風氏。夏六月。雨金于夏邑。秋八月。帝陟于會稽。

禹立四十五年。禹薦益于天。七年。禹崩。三年喪畢。天下歸啓。禹立四十五年。本作正文。从係本改正。

帝啓。

元年癸亥。帝卽位于夏邑。大饗諸侯于鈞臺。諸侯從。帝歸于冀都。大饗諸侯于璿臺。

二年。費侯伯益出就國。王帥師伐有扈。大戰于甘。

六年。伯益薨。祠之。

晉書東晉傳紀年篇云。益于啓位。啓殺之。史通疑古篇雜說篇兩引竹書云。益爲后啓所誅。與今本異。

八年。帝使孟涂如巴。澘訟。

十年。帝巡狩。舞九韶于天穆之野。

山海經大荒西經注引竹書曰。夏后開舞九韶。路史後紀十四注引紀年啓登后九年舞九韶。

十一年。放王季子武觀于西河。

十五年。武觀以西河叛。彭伯壽帥師征西河。武觀來歸。

北堂書鈔十三引啓征西河。路史國名紀六西河注。后啓征之。見紀年。

十六年。陟。

真誥十五引竹書。啓卽位三十九年。亡年七十八。路史後紀十四注引作啓二十九年。九十八。與今本異。

帝太康。

元年。癸未。帝卽位。居斟鄩。

漢書地理志注臣瓚曰。汲郡古文云。太康居斟。尋羿亦居之。桀亦居之。史記夏本紀正義引同。

敗于洛表。羿入居斟尋。

四年。陟。

帝仲康。

元年己丑帝卽位居斟鄩。

五年秋九月庚戌朔日有食之命胤侯帥師征羲和。

六年錫昆吾命作伯。

七年陟世子相出居商丘依邳侯。

一作依同姓諸侯斟灌斟鄩。○今本紀年有沈約大字注又有小字注不云何人今仍之。

帝相。

元年戊戌帝卽位居商。

太平御覽八十  
二引作處商。

征淮夷。

太平御覽八十二路  
史後紀十四引皆同。

二年征風夷及黃夷。

風下本脫夷字从太  
平御覽八十二引補。

七年于夷來賓。

後漢書東夷傳注路  
史後紀十四引皆同。

八年寒浞殺羿使其子澆居過。

九年相居于斟灌。

水經巨洋水注引汲郡古  
文相居斟灌孫本無于字。

十五年商侯相士作乘馬遂遷于商丘。

士本作士从吳  
本徐本范本改。

二十年寒浞滅戈。

二十六年寒浞使其子澆帥師滅斟灌。

二十七年澆伐斟鄩大戰于維覆其舟滅之。

二十八年寒浞使其子澆弑帝后緡歸于有仍伯靡出奔高。

斟灌之墟是爲帝丘后緡方娠逃出自竇歸于有仍伯靡歸有仍氏。

夏世子少康生。丙寅年。

少康自有仍奔虞。乙酉年。

伯靡自高帥斟鄩斟灌之師以伐浞世子少康使汝艾伐過殺澆。

甲辰年。○艾本作文。从矣本徐本范本改。

伯子杼帥師滅戈。

孫本與下文連爲一條。

伯靡殺寒浞少康自綸歸于夏邑。

乙巳年。○夏世子以下五條是後人所附。

帝少康。

元年丙午帝卽位諸侯來朝賓虞公。

二年方夷來賓。後漢書東夷傳注引云。少康卽位方夷來賓。

三年復田稷。

后稷之後不畱失官至是而復。爾雅釋親注引竹書云。不畱之畱孫疑此脫文。

十一年使商侯冥治河。

十八年遷于原。

二十一年陟。

帝杼

元年己巳帝卽位居原。太平御覽八十二引同。

五年自原遷于老丘。太平御覽八十三路史後紀十四注引丘作王御覽引自下脫原字。

八年征于東海及三壽得一狐九尾。山海經海外東經注引。征上有栢杼子三字。

十三年商侯奭死于河。

十七年陟。

杼或作帝宁。一曰伯杼。杼能帥禹者也。故夏后氏報焉。

帝芬。

元年戊子帝卽位。

三年九夷來御。

後漢書東夷傳注引同。

十六年洛伯用與河伯馮夷鬪。

山海經海內北經注云。穆天子傳所謂河伯无夷者。竹書作馮夷。

三十三年封昆吾氏子于有蘇。

三十六年作圓土。

四十四年陟。

路史後紀十四注引同。

芬或曰芬發。



帝芒。

元年壬申帝卽位。以元珪賓于河。北堂書鈔八十九路史後紀十四引同。

十三年東狩于海。獲大魚。北堂書鈔八十九路史後紀十四注引同。吳本徐本孫本皆作冬狩。

三十三年商侯遷于殷。

五十八年陟。太平御覽八十二引同。

芒或曰帝荒。北堂書鈔八十九引作后荒。

帝泄。

元年辛未帝卽位。

十二年殷侯子亥賓于有易。有易殺而放之。

十六年殷侯微以河伯之師伐有易。殺其君緜臣。

殷侯子亥賓于有易而淫焉。有易之君緜臣殺而放之。故殷上甲微假師于河伯以伐有易。滅之。遂殺

其君繇臣中葉衰而上甲微復興故殷人報焉。

山海經大荒東經注引此作竹書自中葉以上皆同郭璞注山海經在說約前則此條之非注明矣又郭注云河伯僕牛皆人姓名見汲郡竹

書今本

無僕牛

二十一年命吠夷白夷赤夷玄夷風夷陽夷。

今本白夷以下作玄夷風夷日日黃夷從後漢書東夷傳注引改路史後紀十四注引下有繇是服從四字

二十五年陟。

路史後紀十四注引作二十一年陟

帝不降。

元年己亥帝即位。

六年伐九苑。

太平御覽八十二路史後紀十四注引同

三十五年殷滅皮氏。

五十九年遜位于弟局。

帝局。

元年戊戌帝即位。

十年帝不降陟。

三代之世內禪，惟不降實有聖德。

十八年陟。

帝廡。

一名亂甲。

太平御覽八十三引此作紀年下同。

元年己未，帝卽位，居西河。

山海經海外東經注引作亂甲卽位。

四年作西音，昆吾氏遷于許。

八年，天有妖孽，十日竝出，其年陟。

山海經海外東經注開元占經六，太平御覽八十三引作天有妖孽，十日並出，皆與上文帝卽位居西河連爲一條，惟通鑑外紀一引十日並出，下云其年亂甲陟，與今本合，御覽引並

出下有又言本有十日迭次而遣，連照無窮十四字。

帝孔甲。

元年乙巳，帝卽位，居西河，廢豕韋氏，使劉累象龍。

三年王畋于賚山。

五年作東音。

七年劉累遷于魯陽。

九年陟。般侯復歸于商丘。

帝昊。

昊一作皐。

元年庚辰帝卽位。使豕韋氏復國。

三年陟。

帝發。

一名后敬。或曰發惠。太平御覽八十三引同。

元年乙酉帝卽位。諸夷賓于王門。再保墉會于上池。

諸夷人舞。

北堂書鈔八十二引同。後漢書東夷傳注引無再保墉會于上池七字。孫本無會字。

七年陟。泰山震。

帝癸

一名桀。

元年壬辰帝即位居斟鄩。

三年桀傾宮。

文選東京賦注引汲冢古文云夏桀作傾宮瑤臺殫百姓之財七發注引汲冢古文云桀作傾宮飾瑤臺皆與今本異。

毀容臺。

畎夷入于岐以叛六年岐踵戎

來賓。

十年五星錯行夜中星隕如雨。

地震伊洛竭。

十一年會諸侯于仍有緡氏逃歸遂滅有緡。

十三年遷于河南初作輦。

十四年扁帥師伐岷山。

注云一作山民。

癸命扁伐山民。

太平御覽三百八十一引作岷山。

山民進女于桀。

進字本脫从御覽一百三十五引補。

二人曰琬曰珠后愛二人女無子焉斲

其名于茗華之玉茗是琬華是珠而棄其元妃于洛曰妹喜氏以與伊尹交遂以亡夏。

史記司馬相如列傳集解引郭璞云。

汲冢竹書云。桀伐岷山云云。又山海經西山經郭注云。離騷云。懷琬珠之華英。汲冢書所謂著華之玉。今本曰妹喜以下。作於傾宮飾瑤臺居之。从御覽一百三十五引改。

十五年。商侯履遷于亳。成湯元年。

十七年。商使伊尹來朝。

二十年。伊尹歸于商。及汝鳩。汝方會于北門。

二十一年。商帥師征有洛。克之。遂征荆。荆降。師字本脫。从孫本補。

二十二年。商侯履來朝。命囚履于夏臺。

二十三年。釋商侯履。諸侯遂賓于商。

二十六年。商滅溫。

二十八年。昆吾氏伐商。商會諸侯于景亳。遂征韋。商師取韋。遂征顧。太史令終古出奔商。

二十九年。商師取顧。三日並出。費伯昌出奔商。冬十月。鑿山穿陵以通于河。

三十年。瞿山崩。殺其大夫關龍逢。商師征昆吾。

冬。聆隧災。

三十一年。商自隰。征夏邑。克昆吾。大雷雨。戰于鳴條。夏師敗績。桀出奔三臞。商帥征三臞。戰于郟。獲桀于

焦門。放之于南巢。

太平御覽八百八十路史後紀十四引紀年夏桀末年社圻裂其年為湯所放今本無此文

自禹至桀十七世。有王與無王。用歲四百七十一年。

史紀夏本紀集解文選六代論注引此皆作紀年晉書東晉傳引紀年篇云夏年多殷今本仍殷年多夏非東晉所見本也

殷商成湯。

名履。

太平御覽八十引紀年云湯有七名而九征

十八年癸亥。王卽位居亳。始屋夏社。

十九年大旱。

氏羌來賓。吳本作來貢

二十年大旱。

夏桀卒于亭山。禁弦歌舞。董本禁弦歌舞四字別為一條

二十一年大旱。

鑄金幣。孫本無此年

二十二年大旱。

二十三年大旱。孫本無此年。

二十四年大旱。王禱于桑林。雨。

二十五年作大濩樂。初巡狩。定獻令。

二十七年遷九鼎于商邑。

二十九年陟。

外內。

名勝。太平御覽八十四引同。

元年乙亥。卽位。居亳。命卿士伊尹。

二年陟。

仲壬。

名庸。

元年丁丑。王卽位。居亳。命卿士伊尹。杜預春秋後序引同。



四年陟。

太甲。

名至。

元年辛巳王卽位居亳命卿士伊尹伊尹放太甲于桐乃自立。

杜預春秋後序引命卿士伊尹作仲王卽位與此不重出伊尹以下皆同。

七年王潛出自桐殺伊尹天大霧三日乃立其子伊陟伊奮命復其父之田宅而中分之。

春秋後序引無天大霧三日文文選

彙士賦序注引潛作既廣宏明第十一引汲冢書云伊尹自冀立後太甲潛出親殺伊尹而用其子。

十年大饗于太廟初祀方明。

十二年陟。

史記魯世家索隱云紀年太甲唯得十二年。

沃丁。

名絢。

太平御覽八十  
四引作沃丁絢。

元年癸巳王卽位居亳命卿士咎單。

八年。祠保衡。孫本祠作嗣誤。

十九年。陟。

小庚。

名辯。太平御覽八十四引同注云即太庚也。

元年壬子。王即位。居亳。

五年。陟。

小甲。

名高。太平御覽八十四引同。

元年丁巳。王即位。居亳。

十七年。陟。

雍已。

名柚。太平御覽八十四引同。

十四引同。

元年甲戌王卽位居亳。

十二年陟。

太戊。

名密。

元年丙戌王卽位居亳命卿士伊陟臣扈。

七年有桑穀生于朝。

十一年命巫咸禱于山川。

二十六年西戎來賓王使王孟聘西戎。

三十一年命費侯中衍爲車正。

三十五年作寅車。

四十六年大有年。

五十八年城蒲姑。

六十一年東九夷來賓。

七十五年陟。

太戊遇祥桑側身修行三年之後遠方慕明德重譯而至者七十六國商道復興廟爲中宗。

仲丁。

名莊。

元年辛丑王卽位自亳遷于囂于河上。太平御覽八十四引無于河上三字。

六年征藍夷。後漢書東夷傳注引云仲丁卽位征于藍夷。

九年陟。

外壬。

名發。

元年庚戌王卽位居囂邳人姚人叛。

十年陟。

河竄甲。

名整。太平御覽八十四引同。

元年庚申王卽位自嘉遷于相。太平御覽八十四引同。

三年彭伯克邳。

四年征藍夷。太平御覽八十四引同。

五年佻人入于班方彭伯韋伯伐班方佻人來賓。

九年陟。

祖乙。

名滕。太平御覽八十一引作祖乙勝。

元年己巳王卽位自相遷于耿命彭伯韋伯。

二年圮于耿自耿遷于庇。

三年命卿士巫賢。

八年城庇。

十五年命邠侯高圉。

十九年陟。

祖乙之世商道復興，廟爲中宗。

太平御覽八十四引紀年是爲中宗一句，足知前後三宗皆非注文。

祖辛。

名旦。

元年戊子，王卽位，居庇。

十四年陟。

開甲。

名隳。

太平御覽八十四引同。

元年壬寅，王卽位，居庇。

五年陟。

祖丁。

名新。

元年丁未王卽位居庇。

九年陟。

南庚。

名更。

太平御覽八十四引同。

元年丙辰王卽位居庇。

三年自庇遷于奄。

自庇二字本脫从太平御覽八十四引補。

六年陟。

陽甲。

名和。

元年壬戌王卽位居奄。

太平御覽八十四引作居毫。

三年西征丹山戎。

孫本作二年山海經大荒北經注竹書云祖甲西征得一丹山。

四年陟

盤庚

名旬。太平御覽八十四引同。史記殷本紀正義引竹書紀年云盤庚字也。

元年丙寅王卽位居奄。

七年應侯來朝。水經泲水注云汲郡古文殷時已有應國。漢書地志臣瓚注引古文亦云。

十四年自奄遷于北蒙。曰殷。太平御覽八十四引作自亳遷于北蒙。尚書盤庚正義引汲冢古文云盤庚自奄遷于殷。殷在鄴南三十里。東晉云尚書序盤庚五遷將治亳。舊說以爲居亳。御覽所引正與東晉所見本同。史記

項羽本紀案隱引汲冢古文亦云盤庚自奄遷于北蒙。曰殷。虛南去鄴州三十里。今本皆無下七字。

十五年營殷邑。

十九年命邠侯亞圍。

二十八年陟。

小辛。



名頌。太平御覽八十四引同。

元年甲午王卽位居殷。

三年陟。

小乙。

名斂。

太平御覽八十四引同。

元年丁酉王卽位居殷。

六年命世子武丁居于河學于甘盤。

十年陟。

武丁。

名昭。

元年丁未王卽位居殷命卿士甘盤。

三年夢求傳說得之。

六年命卿士傅說視學養老。

十二年報祀上甲微。

二十五年王子孝已卒于野。

二十九年彤祭太廟有雉來。

三十二年伐鬼方次于荆。

三十四年克鬼方氏羗來賓。

四十三年王師滅大彭。

五十年征豕韋克之。

五十九年陟。

王殷之大仁也。力行王道。不敢荒寧。嘉靖殷邦。至于大小。無時或怨。是時輿地。東不過江黃。西不過氏羌。南不過荆蠻。北不過朔方。而頌聲作。禮廢而復起。廟號高宗。

祖庚。

名曜。太平御覽八

十四引同。

元年丙午。卽位。居殷。作高宗之訓。

十一年。陟。

祖甲。

名載。

太平御覽八十四引作帝祖甲載。

元年丁巳。王卽位。居殷。

孫本作丁未誤。

十二年。征西戎。冬。王返自西戎。

陽甲西征。得一丹山。○據山海經大荒北經注。乃和甲。非陽甲也。此後人採山海經注。誤附于此。已見上。

十三年。西戎來賓。命邠侯組紂。

二十四年。重作湯刑。

二十七年。命王子囂。王子良。

三十三年。陟。

王舊在野。及卽位。知小人之依。能保惠庶民。不侮鰥寡。迨其末也。繁刑以攝遠。商道復衰。

馮辛。

名先。

太平御覽八十  
四引作庚辛先

元年庚寅王卽位居殷。

四年陟。

庚丁。

名囂。

元年甲午王卽位居殷。

董本無  
王字

八年陟。

武乙。

名瞿。

元年壬寅王卽位居殷。

邠遷于岐周。

三年自殷遷于河北。

命周公奭父賜以岐邑。

十五年自河北遷于沫。

二十一年周公賈父薨。

二十四年周師伐程戰于畢克之。

三十年周師伐義渠乃獲其君以歸。

三十四年周公季歷來朝王賜地三十里玉十穀馬十匹。

太平御覽八十四引作周王季歷馬十匹十作八。

三十五年周公季歷伐西落鬼戎俘二十翟王。

俘二十翟王五字本脫。從後漢書西羌傳注引補。

王敗于河渭大雷震死。

文丁。後漢書西羌傳注太平御覽八十四引俱作太丁。

名托。

元年丁丑王卽位居殷。

二年周公季歷伐燕京之戎敗績。

後漢書西羌傳注引作周人伐燕京之戎周師大敗。

三年洹水一日三絕。

太平御覽八十四引同。

四年。周公季歷伐余無之戎。克之。命爲牧師。後漢書西羌傳注文選典引注引牧上有殷字。

五年。周作程邑。

七年。周公季歷伐始呼之戎。克之。後漢書西羌傳注引作周人。

十一年。周公季歷代豳徒之戎。獲其三大夫來獻捷。王殺季歷。後漢書西羌傳注引作周人伐豳徒之戎克之捷其三大夫。史通疑古篇雜說篇兩引皆作文丁殺季歷。

王嘉季歷之功。錫之圭瓚秬鬯。九命爲伯。旣而執諸塞庫。季歷困而死。因謂文丁殺季歷。

十二年。周文王元年。有鳳集于岐山。

十三年。陟。

帝乙。

名羨。

元年庚寅。王卽位。居殷。

三年。王命南仲。西拒昆夷。城朔方。吳本徐本拒作拘。夏六月。周地震。

九年陟。

帝辛。

名受。太平御覽八十四引同。

元年己亥。王卽位。居般。命九侯。周侯。邗侯。

三年。有雀生鷁。

四年。大蒐于黎。作炮烙之刑。

五年。築南單之臺。

雨土于亳。

開元占經一百一引紀年云。帝辛受時周大曠。今本無此文。

六年。西伯初禴于畢。

九年。王師伐有蘇。獲妲己以歸。

作瓊室。立玉門。

文選東京賦注引汲冢古文同。

十年。夏六月。王畋于西郊。

十七年。西伯伐翟。冬。王遊于淇。

二十一年。春正月。諸侯朝周。伯夷。叔齊。自孤竹歸于周。

二十二年冬。大蒐于渭。

二十三年。囚西伯于羗里。

二十九年。釋西伯。諸侯逆西伯歸于程。

三十年春三月。西伯率諸侯入貢。

三十一年。西伯治兵于畢。得呂尙以爲師。

三十二年。五星聚于房。有赤鳥集于周社。

孫本鳥作鳥

密人侵阮。西伯帥師伐密。

三十三年。密人降于周師。遂遷于程。王錫命西伯得專征伐。

三十四年。周師取耆及邠。遂伐崇。崇人降。冬十二月。昆夷侵周。

三十五年。周大饑。西伯自程遷于豐。

三十六年春正月。諸侯朝于周。遂伐昆夷。西伯使世子發營鎬。

三十七年。周作辟雍。

三十九年。大夫辛甲出奔周。

孫本無大夫二字



四十年周作靈臺。王使膠鬲求玉于周。

四十年春三月西伯昌薨。

四十二年

周武王元年

西伯發受丹書于呂尚。

有女子化爲丈夫。

四十三年春大閱。嶢山崩。

四十四年西伯發伐黎。

四十七年內史向摯出奔周。

四十八年夷羊見。二日竝出。

五十一年冬十一月戊子周師渡盟津而還。王囚箕子。殺王子比干。微子出奔。

五十二年庚寅周始伐殷。

新唐書歷志竹書十一年庚寅周始伐商而管子及家語以爲十二年蓋通成君之歲也太平御覽八十四引帝乙二年周人伐商疑卽此年傳寫之脫

秋周師次于鮮原。冬十有二月周師有事于上帝庸蜀羌髳微盧彭濮從周師伐殷。

自成湯滅夏以至于受二十九王用歲四百九十六年。

史記殷本紀集解引同自成二字从董選六代論注引補殷本紀正義引竹書紀年云自盤庚徙殷至紂之滅七百七十

竹書紀年 卷上

三年更不徙都。紂時稍大其邑。南距朝歌。北據邯鄲及沙丘。皆爲離宮別館。今本無此文。

竹書紀年卷下

周武王

名發

十二年辛卯，王率西夷諸侯伐殷，敗之于姆野。

水經清水注引同。

王親禽受于南單之臺，遂分天之明。

水經淇水注初學記二十四引。

同淇水注。受上有帝字。

立受子祿父，是爲武庚。

夏四月，王歸于豐，饗于太廟，命監殷，遂狩於管。

作大武樂。

十三年，巢伯來賓，薦殷于太廟，遂大封諸侯。秋，大有年。

十四年，王有疾，周文公禱于壇墠，作金滕。

十五年，肅慎氏來賓，初狩方岳，誥于沫邑。冬，遷九鼎于洛。

十六年，箕子來朝，秋，王師滅蒲姑。

十七年，命王世子誦于東宮。冬十有二月，王陟年五十四。

吳本徐本俱作九十四。路史發揮引作五十四。

成王。

名誦。

元年丁酉春正月王卽位命冢宰周文公總百官。庚午周公誥諸侯于皇門。夏六月葬武王于畢。秋王加元服。武庚以殷叛。周文公出居于東。

二年奄人徐人及淮夷入于郟以叛。秋大雷電以風王逆周文公于郊遂伐殷。

二年王師滅殷殺武庚祿父遷殷民于衛遂伐奄滅蒲姑。

四年春正月初朝于廟。夏四月初嘗麥。王師伐淮夷遂入奄。

五年春正月王在奄遷其君于蒲姑。夏五月王至自奄。遷殷民于洛邑遂營成周。

六年大蒐于岐陽。

七年周公復政于王。春二月王如豐。三月召康公如洛度邑。甲子周文公誥多士于成周遂城東。

都。王如東都諸侯來朝。冬王歸自東都立高圜廟。

八年春正月王初蒞阼親政。命魯侯禽父齊侯伋。遷庶殷于魯。作象舞。冬十月王師滅唐遷其民。

于杜。

九年春正月有事于太廟初用勺。肅慎氏來朝王使榮伯錫肅慎氏命。

十年王命唐叔虞爲侯。越裳氏來朝。周文公出居于豐。

十一年春正月王如豐。唐叔獻嘉禾。王命唐叔歸禾于周文公。王命周平公治東都。

十二年王師燕師城韓王錫韓侯命。

十三年王師會齊侯魯侯伐戎。夏六月魯大禘于周公廟。

十四年秦師圍曲城克之。孫本作齊師冬洛邑告成。

十八年春正月王如洛邑定鼎。鳳凰見遂有事于河。

十九年王巡狩侯甸方岳召康公從歸于宗周遂正百官黜豐侯。

二十一年除治象。周文公薨于豐。

二十二年葬周文公于畢。

二十四年於越來賓。孫本於作于

二十五年王大會諸侯于東都四夷來賓。冬十月歸自東都有事于太廟。范本吳本徐本有作大

三十年離戎來賓。

三十三年王遊于卷阿召康公從歸于宗周。命王世子釗如房逆女房伯祈歸于宗周。

三十四年雨金子咸陽。

三十七年夏四月乙丑王陟。

康王。

名釗。

元年甲戌春正月王卽位命冢宰召康公總百官諸侯朝于豐宮。

三年定樂歌吉禘于先王申戒農官于太廟。

六年齊太公薨。困學紀聞八引作齊太公望卒晉太公碑引紀年曰康王六年齊太公卒。

九年唐遷于晉作宮而美王使人讓之。北堂書鈔十八引作晉侯築宮而美康王使讓之。

十二年夏六月壬申王如豐錫畢公命。秋毛懿公薨。

十六年錫齊侯假命王南巡狩至九江廬山。

十九年魯侯禽父薨。

二十一年魯築茅闕門。

二十四年召康公薨。

二十六年秋九月己未王陟。

成康之際天下安寧刑措四十餘年不用。

此條本脫。从文選漢武帝賢良詔注太平御覽八十五引補。文選注無餘字。

昭王。

名瑕。

元年庚子春正月王卽位復設象魏。

六年王錫郇伯命。冬十二月桃李華。

十四年夏四月恆星不見。秋七月魯人弑其君宰。

十六年伐楚涉漢遇大咒。

初學記七引。楚下有荆字。

十九年春有星孛于紫微。

太平御覽八百七十四引紀年曰周昭王末年夜清五色光貫紫微其年王南巡不返。

祭公辛伯從王伐楚天大噎。

太平御覽九百七引無大字。

雉兔皆震喪六師于漢。

初學記七開元占經一百一引同。

王陟。

穆王。

名滿。

元年己未春正月王即位作昭宮命辛伯餘靡。

冬十月築祗宮于南鄭。

穆天子傳四注引同。

自武王至穆王享國百年穆王以下都于西鄭。

晉書東晉傳云紀年記自周受命至穆王百年非穆王壽百歲也。又漢書地理志臣瓚注云周自穆王以下都于西鄭瓚同校汲冢古文正據

此條爲說後人以  
此爲沈約注誤也。

六年春徐子誕來朝錫命爲伯。

八年春北唐來賓獻一驪馬是生騷耳。

穆天子傳一注引作北唐之君來見。

九年築春宮。

初學記二十四引紀年穆王所居有鄭宮春宮。

十一年王命卿士祭公謀父。

十二年毛公班井公利逢公固帥師從王伐犬戎。

井本作共今从穆天子傳改正。

冬十月王北巡狩遂征犬戎。

十三年春祭公帥師從王西征次于陽紆秋七月西戎來賓。

徐戎侵洛冬十月造父御王入于宗

周。



十四年王帥楚子伐徐克之。夏四月王畋于軍丘。孫本丘作山五月作范宮。秋九月翟人侵畢。冬

蒐于萍澤。作虎牢。

十五年春正月留昆氏來賓。穆天子傳五注云留昆國見紀年作重璧臺。冬王觀于鹽澤。一作王幸安邑觀鹽池非是

十六年霍侯舊薨。王命造父封于趙。

十七年王西征至昆侖丘見西王母。穆天子傳三注藝文類聚七太平御覽二十八引同至字从藝文類聚太平御覽引補爾雅釋文西王母下云周穆王巡狩至昆侖山見之西王母亦來賓昭宮見出竹書及穆天

傳。子其年西王母來朝賓于昭宮。山海經西山經注穆天子傳三注引朝作見西山經注又作五十七年秋八月遷戎于太原。

王北征行流沙千里積羽千里。山海經大荒北經注文選江賦注引作竹書穆天子傳三注引紀年曰穆王北征行積羽千里征犬戎取其五王以東。穆天子傳三注引作紀年

疑十二西征至于青鳥所解。山海經西山經法引同藝文類聚九十一引紀年云穆王十三年西征至于青鳥之所翹疑上次于陽紆下脫文西王母止之曰有鳥鵠人

此條本脫穆天子傳三注引紀年穆王見西王母西王母止之曰有鳥鵠人藝文類聚古引紀年云穆王十七年西征至昆侖丘見西王母王母止之疑上十七年見西王母脫文因無明證今附于此西征還里天下億有九

萬里。穆天子傳四注引同開元占經四引紀年曰穆王東征天下二億二千五百里西征億有九萬里南征億有七百三里北征二億七里

十八年春正月王居祗宮諸侯來朝。

二十一年祭文公薨。

二十四年王命左史戎夫作記。

三十五年

孫本作二十五年

荆人入徐毛伯遷帥師敗荆人于泜。

三十七年

廣韻二十二元注引作十七年太平御覽三百五引作四十七年藝文類聚九初學記七文選江賦注引同今本

伐楚

二字本脫从藝文類聚引補文選恨賦注太平御覽引作伐紂傳寫之譌

大起九師東至

于九江叱鼃鼃以為梁

叱本作架从初學記藝文類聚太平御覽引改北堂書鈔十六御覽七十三又引作架與今本同

遂代越至于紆

紆見路史國名紀六注

荆人來貢

三十九年王會諸侯于塗山

四十五年魯侯潰薨

五十一年作呂刑命甫侯于豐

五十五年王陟于祗宮

共王

名繫。

元年甲寅春正月王卽位。

四年王師滅密。

九年春正月丁亥王使內史良錫毛伯遷命。

十二年陟。

懿王。

名堅。

元年丙寅春正月王卽位天再旦于鄭。

事類賦注一引同太平御覽二引鄭作正開元占經三引作天作啓無下二字

七年西戎侵鎬。

十三年翟人侵岐。

十五年王自宗周遷于槐里。

十七年魯厲公擢薨。

二十一年虢公帥師北伐犬戎敗逋。

二十五年王陟。

懿王之世。興居無節。號令不時。挈壺氏不能共其職。諸侯於是攜德。

孝王。

名辟方。

元年辛卯春正月王卽位。命申侯伐西戎。

五年西戎來獻馬。

七年冬大雨電。江漢水。

牛馬死。是年厲王生。○孫本電作電。注中八字皆作正文。

八年初牧于汧渭。

孫本牧下有馬字。

九年王陟。

夷王。

名燮。

元年庚子春正月王卽位。

二年蜀人呂人來獻瓊玉賓于河用介珪。北堂書鈔三十一太平御覽八十五引同。

三年王致諸侯烹齊哀公于鼎。太平御覽八十五引同。史記正義引作翳齊哀公鼎。

六年王獵于社林獲犀牛一以歸。太平御覽八百九十引。作獵于桂林得一犀牛。

七年虢公帥師伐太原之戎至于俞泉獲馬千匹。後漢書西羌傳同。注云見竹書紀年。

伐庸至于鄂。孫本無此條。

八年王有疾諸侯祈于山川王陟。

厲王。

名胡。

元年戊申春正月王卽位作夷宮命卿士榮夷公落。

楚人來獻龜貝。

冬雨雹大如礪。初學記二引同。

楚子熊渠

三年。淮夷侵洛。王命虢公長父伐之。不克。齊獻公山孫本無山字薨。

六年。楚子延卒。

八年初。監謗。芮伯良夫戒百官于朝。

十一年。西戎入于犬丘。

十二年。王亡奔彘。國人圍王宮。執召穆公之子殺之。十三年。王在彘。共伯和攝行天子事。

史記周本紀索隱引作共伯和于王

位。莊子讓王

篇釋文引同。

十四年。玁狁侵宗周西鄙。召穆公帥師追荆蠻至于洛。

十六年。蔡武侯薨。楚子勇卒。

十九年。曹夷伯薨。

二十二年。大旱。陳幽公薨。

二十三年。大旱。宋僖公薨。

二十四年。大旱。杞武公薨。

二十五年大旱。楚子嚴卒。

二十六年大旱。王陟于蕺。周定公召穆公立太子靖爲王。共伯和歸其國。遂大雨。

大旱既久。廬舍俱焚。會汾王崩。卜于太陽。兆曰。厲王爲祟。周公召公乃立太子靖。共和遂歸國。和有至德。尊之不喜。廢之不怒。逍遙得志于共山之首。

水經清水注云。共縣故城。卽共和之故國也。共伯既歸帝政。逍遙于共山之上。疑此紀年之文。

宣王。

名靖。

元年甲戌春正月。王卽位。周定公召穆公輔政。復田賦。作戎車。燕惠侯薨。

二年。錫太師皇父司馬休父命。魯慎公薨。曹公子蘇弑其君幽伯彊。

三年。王命大夫仲伐西戎。後漢書西羌傳云。宣王立四年。使秦仲伐戎。爲戎所殺。注連下數條云。並見竹書紀年。此作三年。疑誤。齊武公壽薨。孫本無壽字。

四年。王命蹇父如韓。韓侯來朝。

五年夏六月。尹吉甫帥師伐玁狁。至于太原。秋八月。方叔帥師伐荆蠻。

六年。召穆公帥師伐淮夷。王帥師伐徐戎。皇父休父從王伐徐戎。次于淮。王歸自伐徐。錫召穆公命。

西戎殺秦仲。

據後漢書西羌傳此句當在上三年下廣宏明集十一引竹書云自秦仲之前本無年世之紀又云史記竹書皆云秦無歷數周世陪臣。

楚子霜卒。

七年王錫申伯命。王命樊侯仲山甫城齊。

八年初考室。魯武公來朝。錫魯世子戲命。

九年王會諸侯于東都。遂守于甫。

孫本守作狩。

十二年魯武公薨。齊人弑其君厲公無忌。立公子赤。

十五年衛釐侯薨。王錫虢文公命。

十六年晉遷于絳。

十八年蔡夷侯薨。

二十一年魯公子伯御弑其君懿公戲。

二十二年王錫王子多父命。居洛。

二十四年齊文公赤薨。

孫本作齊侯赤薨。

二十五年大旱。王禱于郊廟。遂雨。



二十七年。宋惠公黜薨。孫本無  
觀字。

二十八年。楚子狗卒。

二十九年。初不藉千畝。

三十年。有兔舞于鎬京。

初學記二十九。太平御覽  
九百七引作有兔舞。編。

三十二年。王師伐魯。殺伯御。命孝公稱于夷宮。

陳僖公孝薨。有馬化爲人。

三十三年。齊成公薨。

王師伐太原之戎。不克。

後漢書西羌傳。王遣兵伐太原戎。不克。在使  
秦仲伐戎。後二十七年。事當在上三十年。

三十七年。有馬化爲狐。

開元占經一百十八引作三十三年。搜神記云。周  
宣王三十三年。幽王生。有馬化爲狐。今本疑誤。

燕僖侯卒。

孫本卒  
作薨。

楚子鄂卒。

三十八年。王師及晉穆侯伐條戎。奔戎。王師敗逋。

後漢書西羌傳  
作王師敗績。

三十九年。王師伐姜戎。戰于千畝。王師敗逋。

四十年。料民于太原。

戎人滅姜邑。

晉人敗北戎于汾隰。

後漢書西羌傳云。晉人敗北戎于汾隰。戎人滅姜侯  
之邑。范史所引。本竹書紀年之文。今本二句倒疑誤。

四十一年王師敗于申。後漢書西羌傳云明年王征西戎破之。

四十三年王殺大夫杜伯其子隰叔出奔晉。晉穆侯費生薨弟殤叔自立世子仇出奔。

四十四年。晉殤叔元年丁巳。○據杜預春秋後序云紀年篇晉國起自殤叔汲冢古文東周以後以晉魏紀年本起自此年也今本改用周正晉魏改元皆附注于本年之下以存舊觀今竝仍之。

四十六年王陟。

幽王。

名涅。

元年庚申春正月王卽位。晉世子仇歸于晉殺殤叔晉人立仇是爲文侯。王錫太師尹氏皇父命。

二年。辛酉晉文侯元年。○水經泚水注作晉文侯二年案隋唐以下諸書引紀年東周以後皆以晉魏紀年今先標其所引年次下再各依其本條釋之。涇渭洛竭。岐山崩。初增賦。晉文侯

同土子多父伐郟克之。泚水注引無晉文侯三字一本同。下有惠字郟本作郟从泚水注改。乃居鄭父之丘名之曰鄭是爲桓公。名之曰鄭四字本脫又桓上有郟字从泚水注

引改史通雜說篇引竹書紀年云鄭桓公厲王之子與經典所載乖刺今本無此文。

三年王嬖褒姒。冬大震電。孫本震作雷。

四年秦人伐西戎。夏六月隕霜。陳夷公薨。

五年王世子宜臼出奔申。左傳昭二十六年正義引作平王奔西申。皇父作都于向。

六年王命伯士帥師伐六濟之戎。王師敗逋。後漢書西羌傳在征申戎後十年。又云伯士死焉。注云。並兒竹書紀年。皆與今本異。

西戎滅蓋。冬十月辛

卯朔日有食之。

七年虢人滅焦。

八年王錫司徒鄭伯多父命。王立褒姒之子曰伯服為太子。太平御覽一百四十一引同。左傳昭二十六年正義引紀年作伯盤。盤古作般。與服字相似。今本作伯服。非孔

穎達所見本。

九年申侯聘西戎及鄩。

十年春王及諸侯盟于太室。秋九月桃杏實。王師伐申。

十一年春正月日暈。申人鄩人及犬戎入宗周。弑王及鄭桓公。犬戎殺王子伯服。執褒姒以歸。申侯魯

侯許男鄭子立宜曰于申。虢公翰立王子余臣于攜。

左傳昭二十六年正義引汲冢書紀年云平王奔西申而立伯盤以爲太子與幽王俱死于戲先是申侯魯侯及許文公立平王于申以

本太子故稱天王幽王既死而虢公翰又立王子余臣于攜周二王並立二十一年攜王爲晉文侯所殺以本非適故稱攜王東書云按左傳攜王歿命舊說攜王爲伯服伯服古文作伯盤非攜王積年諸侯始廢之而立平王其事或當然綜按前後文義汲冢古文攜王本作伯盤故杜預東晉俱據以爲說至孔穎達所見本已同今本作王子余臣矣又據孔所引平王之立當在幽王未死之前與今本又異皆可爲今本紀年經後人改竄之明證

武王滅殷歲在庚寅二十四年歲在甲寅定鼎洛邑至幽王二百五十七年共二百八十一年自武王

元年己卯

徐本作辛卯

至幽王庚午二百九十二年

史記周本紀集解引紀年云自武王滅殷以至幽王凡二百五十七年通鑑外紀三引紀年云西周二百五十七年與今本同

平王。名宜

自東遷以後始紀晉事王卽位皆不書

元年辛未王東徙洛邑錫文侯命晉侯會衛侯鄭伯秦伯以師從王入于成周

孫本秦伯作秦師

二年秦作西時魯孝公薨賜秦晉以邠岐之田

三年齊人滅祝王錫司徒鄭伯命

四年燕傾侯卒。鄭人滅虢。

五年秦襄公帥師伐戎。卒于師。宋戴公薨。

六年燕哀侯卒。鄭遷于溱洧。

七年楚子儀卒。

八年鄭殺其大夫關其思。史通惑經篇云汲冢所紀多與魯史符同。獲君曰止。誅臣曰刺。殺其大夫曰殺。今本無曰止曰刺之文。

十年秦遷于汧渭。

十三年魏武公薨。

十四年晉人滅韓。

十八年秦文公大敗戎師于岐。來歸岐東之田。孫本無來字。

二十一年晉文侯殺王子余臣于攜。

二十三年宋武公卒。

二十四年秦作陳寶祠。

二十五年。晉文侯薨。秦初用族刑。

二十六年。

丙申。晉昭侯元年。

晉封其弟成師于曲沃。

三十二年。晉潘父弑其君昭侯。納成師。不克。立昭侯之子孝侯。晉人殺潘父。

三十三年。

癸卯。晉孝侯元年。

楚人侵申。

三十六年。衛莊公卒。王人戍申。

四十年。齊莊公卒。晉曲沃桓叔成師卒。子鱣立。是爲莊伯。

四十一年。

辛亥。莊伯元年。

春。大雨雪。

四十二年。狄人伐翼。至于晉郊。宋宣公薨。

吳本孫本宣作襄。

魯惠公使宰讓請郊廟之禮。王使史角如魯諭

止之。

四十七年。晉曲沃莊伯入翼。弑孝侯。晉人逐之。立孝侯子郟。是爲郟侯。

四十八年。

戊午。晉郟侯郟元年。

無雲而雷。魯惠公卒。

四十九年。己未。魯隱公元年。○杜預春秋後序引紀年云。莊伯之十一年十一月魯隱公之元年正月也。魯隱公及邾莊公盟于姑蔑。春秋後序引同。

五十一年春二月乙巳日有食之。三月庚戌王陟桓王。

元年壬戌。水經澮水注引。作莊伯十二年。十月莊伯以曲沃叛伐翼。公子萬救翼。荀叔軫追之。至于家谷。澮水注引同。翼侯焚曲

沃之禾而還。澮水注引同。翼侯伐曲沃。大捷。武公請成于翼。至相而還。相一作桐。○水經澮水注引。不記年。成作城。至相而還。作至洞庭乃返。今凡不記年者。俱不先標所

引年次。惟各注于本條下。

二年王使虢公伐晉之曲沃。晉鄂侯卒。曲沃莊伯復攻晉。立鄂侯子光。是爲哀侯。下本有公子萬救翼。荀叔軫追之。至于家谷十四字。疑上

文重出。从孫本徐本刪。

三年甲子。晉哀侯光元年。○杜預春秋後序引紀年篇。晉國起自殤叔。次文侯昭侯。以至曲沃莊伯。是不哀侯小子侯紀年也。此非汲冢原文。

四年曲沃莊伯卒。子稱立。是爲武公。尙一軍。水經河水注引。在下年。商人乘京上。

五年。曲沃武公元年。○水經河水注引作晉武公元年。

芮人乘京。河水注引同。

荀人董伯皆叛曲沃。河水注引無曲沃二字。

十一年。晉小子侯元年。○水經河水注引作晉武公七年。

曲沃獲晉哀侯。晉人立哀侯子爲小子侯。芮伯萬之母芮姜逐萬。萬出奔

魏。今本作芮伯萬出奔魏。無上一句。从河水注引補。

十二年。水經河水注引作晉武公八年。

秋。秦侵芮。四字本脫。从路史國名紀五注引補。

冬。王師秦師圍魏。取芮伯萬而東之。冬字从路史注引補。河水注引作周師虢師圍魏路

史注一引作桓王十二年。是羅泌已見今本也。

十三年。水經河水注引作晉武公九年。

冬。曲沃伯誘晉小子侯殺之。晉曲沃滅荀。以其地賜大夫原氏黯。是爲荀叔。漢書地理

志臣瓚注。文選北征賦注。引荀作郇。黠作黠。曲沃作武公。

戎人逆芮伯萬于郊。河水注引作逆芮伯萬於郟斯城。

十四年。王命虢仲伐曲沃。立晉哀侯弟緡于翼。爲晉侯。

十五年。晉侯緡元年。



十六年春滅翼。

十七年楚及巴伐鄧。此年全脫。从路史國名紀五引補作桓王十七年。孫本亦有。

十九年鄭莊公卒。

二十三年三月乙未王陟。

莊王。名佗。

元年乙酉曲沃尙一軍異于晉。

四年齊襄公滅紀邾鄆郟。

此年全脫。从史記秦始皇本紀正義引補。據左傳事在此年。今本紀年已爲後人歸亂。凡無年次可考者。今略依左傳史記年次繫之下。做此。

六年五月葬桓王。王本作公。从吳本改。

十五年王陟。

釐王。名胡齊。

元年庚子春齊桓公會諸侯于北杏以平宋亂。

三年曲沃武公滅晉侯緡以寶獻王王命武公以一軍爲晉侯。

四年晉武公二十八年晉猶不與齊桓公之盟。

五年晉武公卒子詭諸立爲獻公。

王陟。

吳本無此年。

齊人殲于遂。

此條本脫唐書劉昫傳云昫嘗以竹書紀年序諸侯列會皆舉證後人追脩非當時正史如齊人殲

于遂鄭棄其師皆孔子新意知按春秋經傳而爲也據左傳事在此年

惠王名聞。

元年乙巳晉獻公元年晉獻公朝。

王如成周周陽白兔舞于市。

水經涑水注引作晉獻公二十五年正月翟人伐晉周有白兔舞于市見下文。

二年開元占經一百二十引作晉獻公二年

王子頽亂王居于鄭鄭人入王府多取玉玉化爲蜮射人。

開元占經一百二十引皆同。

九年晉城絳。

絳本作降从吳本范本改。

十六年晉獻公作二軍滅耿以賜大夫趙夙滅魏以賜大夫畢萬。

鄭棄其師。

此條本脫从唐書劉昫傳引補據左傳在此年。

十七年。衛懿公及赤狄戰于洞澤。杜預春秋後序引同云疑洞當爲洞即左傳所謂葵澤也吳本孫本無戰字

十九年。水經河水注引作晉獻公十九年晉獻公會虞師伐虢滅下陽。河水注杜預春秋後序引同虢公醜奔衛。獻公命環父呂甥邑于虢

都。河水注引同獻字本脫虢都作國都从河水注引改

二十五年。水經涑水注引作晉獻公二十五年春正月狄人伐晉。涑水注引下有周有白兔舞于市見上王陟。

襄王。

元年。庚午晉獻公卒立奚齊里克殺之及卓子立夷吾二年。辛未晉惠公元年晉殺里克。

三年。雨金子晉。秦取靈丘。此條本脫古文苑注一董道廣川書跋引此作秦穆公十一年今據補

七年。秦伯涉河伐晉。史通疑古篇云汲冢竹書與晉春秋及紀年之記事也如重耳出奔惠公見獲書其本國皆無所隱今本無此文

八年。隕石于宋五。此條本脫史通惑經篇云觀汲冢所記多與魯史符同執我行人鄭棄其師隕石于宋五語如此句多是古史今補執我行人不知是何年之文附見于此

十五年。水經河水注。涑水注。引作晉惠公十五年。晉惠公卒。子懷公圉立。秦穆公帥師送公子重耳。圉令狐桑泉。自衰皆降爲水。

注引作焉官。本改作於。秦師狐毛。吳本作尾。與先軫禦秦。至于廬柳。涑水注引自秦穆公以下皆同。乃謂秦穆公使公子塾來與師言。次于郇。

盟于軍。公子重耳涉自河曲。河水注引秦穆公帥師公子重耳涉自河曲。

十六年。乙酉。晉文公元年。晉殺子圉。

十七年。晉城荀。漢書地理志臣瓚注引汲郡古文云文公城荀。

二十年。周襄王會諸侯于河陽。杜預春秋後序引同。

二十二年。齊師逐鄭太子齒。奔城張南鄭。水經涑水注引張下有陽字。

二十四年。晉文公卒。

二十五年。甲午。晉襄公。羅元年。

三十年。水經洛水注引作晉襄公六年。洛絕于洶。洛水注引同。

三十一年晉襄公卒。

三十二年。辛丑晉靈公夷皇元年。

三十三年王陟。

頃王。

元年癸卯。

六年彗星入北斗。王陟。

匡王。

元年己酉。

六年王陟。晉靈公爲趙穿所殺。趙盾使穿逆公子黑鬻于周立之。

定王。

元年乙卯。晉成公元年。

六年。晉成公與狄伐秦。獲秦謀。殺之絳市。六日復蘇。

七年。晉成公卒于扈。

八年。壬戌。晉景  
公元年。

十八年。齊國佐來獻玉磬。紀公之魼。杜預春秋  
後序引同。

二十一年。王陟。

簡王。

元年。丙子。

五年。晉景公卒。

六年。辛巳。晉厲  
公元年。

十三年。晉厲公卒。楚共王會宋平公于湖陽。水經泄水  
注引同。

十四年。己丑。晉悼  
公元年。王陟。

靈王

元年庚寅

十四年晉悼公卒

十五年

甲辰晉平  
公元年

二十七年王陟

景王

元年丁巳

十三年春有星出婺女十月晉平公卒

十四年

庚午晉昭公元年○  
水經河水注引同

河水赤于龍門三里河水注  
引同

十九年晉昭公卒冬十二月桃杏花

二十年

晉頃公  
元年

二十五年晉頃公平王室亂立敬王

敬王。

元年壬午。

八年。晉頃公卒。

九年。庚寅。晉定  
公元年。

十四年。漢不見于天。

二十六年。

太平御覽十四引。  
作晉定公十六年。

晉青虹見。

太平御覽  
引無晉字。

二十八年。

水經洛水注引作  
晉定公二十年。

洛絕于周。

洛水注  
引同。

三十三年。

開元占經一百十三引。  
作晉定公二十五年。

西山女子化爲丈夫。與之妻。能生子。其年。鄭一女生四十人。二十死。

此年全脫。  
从開元占

補。總引

三十六年。

水經淇水注引。作晉定公二十八年。今本  
三作二。孫本與上落絕于周并條。皆誤。

淇絕于舊衛。

淇水注  
引同。



三十九年。水經淇水注引作晉城頓丘。淇水注引

晉定公三十一年。

無晉字。

四十三年。宋殺其大夫皇瑗于丹水之上。水經汜水注引瑗作黶。丹水壅不流。汜水注引丹上有宋大水三字。與上文異條疑下出公五年重文。

四十四年。王陟。

元王。

元年丙寅。晉定公卒。

二年。晉出公元年。

四年。於越滅吳。

六年。水經滄水注沁水注引作晉出公五年。晉澮絕于梁。滄水注引無晉字。丹水三日絕不流。沁水注引同。

七年。水經濟水注引。齊人鄭人伐衛。濟水注引作齊鄭伐衛。荀瑤城宅陽。此句本脫。从濟水注引補。史記穰侯列傳正義引竹書云宅陽一名北陽。疑此闕文。

王陟。

貞定王

元年癸酉於越徙都瑯琊

四年史記越世家索隱引作晉出公十年十一月於越子勾踐卒是為莢執次鹿郢立索隱引越作粵

六年水經河水注引作晉出公二十二年官本作十二年晉河絕于扈河水注引無晉字

七年水經汾水注引作晉出公三十年官本作十三年晉荀瑤城南梁汾水注引作智伯瑤城高梁

十年於越子鹿郢卒不壽立史記越世家索隱引云鹿郢立六年卒

十一年晉□□出奔齊

十二年河水赤三日晉荀瑤伐中山取窮魚之丘水經聖水注初學記八太平御覽六十四引同晉字从初學記太平御覽引補

十三年水經洛水注引作晉出公十九年晉韓廡取秦武城洛水注引秦武作盧氏

十六年晉出公十二年趙襄子韓康子魏桓子共殺智伯并其地。此條本脫史記晉世家哀公四年趙襄子云云索隱云如紀年之說此乃出公二十二年事今據補又燕世家索隱云按

紀年智伯滅在成公二年今本無此文

十七年晉出公薨乃立昭公之孫是爲敬公。史記晉世家索隱引紀年云出公二十三年奔楚乃立昭公之孫是爲敬公與今本異 衛悼公卒于越。此條本脫史記

衛世家出公季父黔攻出公子而自立是爲悼公悼公五年卒索隱紀年云四年卒于越據史記年表當在此年今補

十八年己丑晉敬公元年。○孫本無此年

二十年於越子不壽見殺是爲盲姑次朱勾立。史記越世家索隱引紀年云不壽立十年見殺是爲盲姑次朱勾立

二十二年楚滅蔡

二十四年楚滅杞 田莊子卒。此條本脫史記田完世家索隱引紀年齊宣公十五年田莊子卒今據補齊宣公之立當在貞定王十年

二十五年田悼子立。此年全脫史記田完世家索隱引紀年云田莊子卒明年田悼子立今據補索隱云悼子卒乃次立田和是莊子後有悼子蓋立年無幾所以作世本及記史者不得錄也而莊周及鬼谷子亦云田成子殺齊君十二

代而有齊國。今據世本世家。至王建之滅。唯祇十代。若如紀年。則悼子及侯剡。卽有十二代。乃與莊子鬼谷說同。明紀年亦非妄。今本威烈王十七年。田悼子卒。田侯剡立。在安王十九年。中尙脫田和一代也。

二十八年。晉敬公王陟。

十一年。

考王。

元年。敬公十

魏文侯立。

史記晉世家索隱按紀年魏文侯初立。在敬公十八年。今在十三年誤。

十年。楚滅莒。

十一年。晉敬公卒。

十二年。

晉幽公柳元年。

魯悼公卒。

十四年。

水經濟水注引。作晉幽公三年。

魯季孫會晉幽公于楚丘。取葭密。遂城之。

取葭密以下本脫。从濟水注引補。

十五年。王陟。

威烈王。

元年丙辰。

三年。

北堂書鈔一百四十  
六引作晉幽公七年

晉大旱。地生鹽。

北堂書鈔引。  
地下有長字。

五年。

水經沁水注引。  
作晉幽公九年

晉丹水出反潔。

沁水注引作丹  
水出相反擊。

六年。晉大夫秦嬴賊幽公于高寢之上。

史記晉世家索隱  
引大夫作夫人

魏文侯立幽公子止。

七年。

壬戌。晉烈公元年。○水  
經沁水注汾水注引同

趙獻子城洺氏。

沁水注  
引同

韓武子都平陽。

汾水注  
引同

八年。

水經河水注引作晉烈  
公四年。官本作二年

趙城平邑。

河水注  
引同

九年。

水經丹水注引。  
作晉烈公三年

楚人伐我南鄙。至于上洛。

丹水注  
引同

十年。燕文公卒。次簡公立。

此年全脫。史記燕世家索隱引紀年。文公二十四年卒。簡公立十三年。而  
三晉命邑爲諸侯。簡公之立。當在此年。今據補。文公之立。當在考王二年。

十一年。水經河水注引。作晉烈公五年。

田公子居思伐邯鄲圖平邑。

河水注引伐邯鄲作伐趙圖作圖。

於越滅滕。

史記越世家索隱引紀年於粵子朱勾三十四年滅滕。路史國名紀。

一引紀年越王朱勾三十年滅滕。

十二年。水經沂水注引。作晉烈公四年。

於越子朱勾滅郟以郟子鵠歸。

沂水注引同。越世家索隱引作朱勾三十五年滅郟。滅本作伐。从沂水注引改。

十四年。於越子朱勾卒。越世家索隱引云。三十七年朱勾卒。

十六年。水經河水注引。作晉烈公十年。

齊田盼及邯鄲韓舉戰于平邑。

河水注引。盼作汾。

邯鄲之師敗逋。

河水注引。師作帥。敗下無逋字。

遂獲韓舉。取平

邑新城。取字本脫。从河水注引補。

十七年。水經汲水注引。作晉烈公十一年。

魏文侯伐秦。至鄭還。築汾陰郃陽。

田悼子卒。田布殺其大夫公孫孫。

汲水注引。公無下孫字。

孫會以廩丘叛于趙。會本作孫。从史記田完世家。索隱引改。汲水注引無會字。

田布圍廩丘。翟角趙孔肩韓師救廩丘。

師本作氏。从汲水注引改。

及田布戰

于龍澤。田師敗逋。汲水注引。師作布。

十一月。齊宣公薨。

此條本脫。史記田完世家索隱引紀年宣公五十一年。公孫會以廩丘叛。十二月宣公薨。于周正爲明年二月。今據補。

十八年。水經汾水注引作晉烈公十二年。

王命韓景子。史記韓世家索隱引紀年景子名慶。

趙烈子及我師伐齊入長垣。汶水注引烈子作烈侯垣作城。

二十年秦簡公卒次敬公立。此條本脫。史記秦本紀索隱引紀年云簡公九年卒次敬公立十二年乃立惠公。又始皇本紀索隱王劭按紀年云簡公後次敬公敬公立十二年乃立惠公。史記年表簡公九年當威烈王二十年。

今據補。

二十三年王命晉卿魏氏趙氏韓氏爲諸侯。史記燕世家索隱引紀年簡公立十三年而三晉命邑爲諸侯。

二十四年王陟。

安王。

元年庚辰。

二年田侯午生。此年全脫。史記田完世家索隱引紀年齊康公五年田侯午生。今據史記年表補齊康公之立當威烈王二十五年。

六年宋悼公卒。此年全脫。史記宋世家悼公八年卒。索隱云紀年爲十八年。今補悼公之立當威烈王十三年。

八年秦敬公卒乃立惠公

此年全脫。从史記秦本紀索隱引補。已見前史記年表。簡公十五年卒。子惠公立。與紀年不同。

九年晉烈公卒子桓公立

史記晉世家索隱。世本孝公。傾紀年以孝公為桓公。

十年己丑晉桓公

頃元年。

十五年魏文侯卒

史記魏世家。文侯三十八年卒。索隱引紀年云五十年卒。

大風晝昏。晉太子喜出奔。

十六年

乙未。魏武侯擊元年。○史記魏世家索隱引同。

封公子綏

魏世家索隱引同。又引紀年。魏武侯之元年。當趙烈侯之十四年。

十九年田侯刻立

此年全脫。史記田完世家索隱引紀年。齊康公二十二年田侯刻立。今補。

二十一年韓滅鄭。哀侯入于鄭

史記韓世家索隱引紀年。魏武侯二十一年韓滅鄭。哀侯入于鄭。二十二年晉桓公邑哀侯于鄭。今本繫此于安王二十一年。誤。

二十三年於越遷于吳

史記越世家索隱引紀年。翳三十三年遷于吳。

二十六年

史記魏世家索隱引作魏武侯十四年。官本作十一年。

王陟

魏城洛陽及安邑王垣

魏世家索隱引同。

七月於越太子諸咎弑其君



翳十月越人殺諸咎越滑吳人立孚錯枝爲君

史記越世家索隱引同

烈王

元年丙午魏公子綏如邯鄲以作難

史記魏世家索隱引在惠成王七年今本繫此當魏武侯十二年誤

於越大夫寺區定越亂立初無余是爲

莽安

史記越世家索隱引余下有之字無是爲莽安四字

二年秦蘇胡帥師伐韓韓將韓襄敗蘇胡于酸水

蘇胡本作胡蘇从水經濟水注引改又引敗下有秦字

魏觴諸侯于范臺 晉桓公

邑哀侯于鄭韓山堅賊其君哀侯而立韓若山

史記韓世家索隱引紀年云晉桓公邑哀侯于鄭韓山堅賊其君哀侯而立韓若山若山卽懿侯也在魏武侯二十二年今本魏武侯止十六年又

晉世家索隱按紀年魏武侯以桓公十九年卒韓哀侯趙敬侯並以桓公十五年卒以今本校之魏武侯之卒當在此年韓哀侯之卒當在安王二十四年但此年魏武侯止十三年今本非惟減滅魏武侯紀年譌外卽晉桓公紀年亦謬也而立韓若山五字本脫从索隱引

補 齊田午弑其君及孺子喜而爲公

此條本脫史記田完世家索隱引紀年齊康公二十二年田侯剗立後十年齊田午弑其君及孺子喜而爲公今補田午卽桓公也

三年宋桓侯璧

兵立

此年全脫史記宋世家休公二十三年卒子辟公辟兵立索隱云紀年作桓侯璧兵今補

五年魏武侯卒。此年全脫。據史記魏世家武侯十六年卒。索隱引紀年武侯二十六年卒。史記與紀年數本不同。今本改從周正紀年。故前後所引多抵牾。今姑依史記年表附于此。

燕簡公卒。次孝公立。

史記燕世家索隱引紀年簡公四十五年卒。又引紀年簡公後次孝公。今據補。

六年辛亥梁惠成王元年。○晝晦。二字本脫。从開元水經濁漳水注引同。占經一百一引補。

韓共侯趙成侯遷晉桓公于屯留。濁漳水注引同。史記晉世家索隱引紀年云桓公二十年。

趙成侯韓共侯遷桓公于屯留。已後更無晉事。今本距晉桓公之立已二十三年。共侯疑當作懿侯。

趙成侯偃韓懿侯若伐我葵。史記魏世家索隱引紀年趙侯種韓懿侯伐我取葵。在上魏武侯元年封公子緩。下水經

沁水注引作梁惠成王元年。案武侯元年韓懿侯尚未立。當以水經所引爲正。若下疑脫山字。路史國名紀七引葵作鄴。

鄴師敗邯鄲于平陽。此條本脫。从濁漳水注引補。宋剔成肝廢其君

壁而自立。此條本脫。从史記宋世家索隱引補。壁下疑脫兵字。

七年。史記魏世家集解水經河水注引作梁惠成王二年。王陟。我師伐趙圍蜀陽。魏世家索隱引蜀作濁。齊田壽帥師伐我圍觀。觀降。河水注引我作趙。

魏大夫王錯出奔韓。魏世家集解引同。

顯王。

元年癸丑。水經濟水注渭水注引作梁惠成王三年。鄭城邢丘。自此韓改稱曰鄭。濟水注引同。秦子向命爲藍君。渭水注引同。

二年。水經河水注引作梁惠成王四年。河水赤于龍門三日。河水注引同。

三年。水經濟水注引作梁惠成王五年。公子景賈帥師伐鄭。韓明戰于韓。我師敗逋。濟水注引作戰于陽。

四年。水經渠水注引作梁惠成王六年。夏四月甲寅徙邦于大梁。渠水注引。邦作都。漢書高帝紀臣瓚注引汲郡古文。惠王之六年。自安邑遷于大梁。史記魏世家集解云。汲冢紀年曰。梁惠王九年四月甲寅徙都大梁。

索隱云。紀年以爲惠王九年。蓋誤也。王發逢忌之。藪以賜民。漢書地理志臣瓚注。引汲郡古文同。左傳哀十四年正義引瓚注。發作廢。古字通用。於越寺區弟思弒其君莽安。

次無顛立。史記越世家索隱引在無余之立十二年。此條當次在明年。齊弒其君毋。此條本脫。史記田完世家索隱引紀年云。齊桓公十一年。弒其君毋。又引紀年。梁惠王十三年。當齊桓公十八年。今補。

五年。太平御覽八百八十。廣韻二十。二昔注引作梁惠成王七年。雨碧于郢。太平御覽八百四十二。廣韻注。引同。地忽長十丈有餘。高尺半。太平御覽八百八十引同。

六年。水經濁漳水注引作梁惠成王八年。我師伐邯鄲。取列人。我師伐邯鄲。取肥。濁漳水注引。無兩我師字。雨黍于齊。太平御覽八百四十二。引惠成王八年雨黍。

雨骨于赤脾。此條本脫。从路史引補。

七年。水經洞渦水注濟水注。  
引作梁惠成王九年。

我與邯鄲榆次陽邑。  
洞渦水注。引無我字。

王會鄭釐侯于巫沙。  
濟水注。引同。

晉取茲氏。  
此條本脫。从太平御

覽一百六十三。太平寰宇記四十四路史國名紀五引補。

八年。水經濟水注青衣水注。  
引作梁惠成王十年。

入河水于圃田。  
濟水注引。圃作甫。

又爲大溝而引圃水。瑕陽人自秦導岷山青衣水來歸。

青衣水注引同。

九年。秦師伐鄭。次于懷。

城殷。  
水經沁水注引同。二條合作一條。太平寰宇記四十八引。作至于懷殷。路史國名紀五引亦無城字。

東周惠公傑薨。  
此條本脫。从史記六國表集解引補。

十年。水經河水注濟水注濁漳水。  
注引作梁惠成王十二年。

楚師出河水。以水長垣之外。  
河水注引。出作決。

龍賈帥師築長城于西邊。  
濟水注。引同。鄭

取屯留尙子。  
太平御覽一百六十三引同。下有卽長子之地也。六字濁漳水注引。子下有涅字。太平寰宇記四十五引尙作長。

十一年。水經河水注濟水注引。  
作梁惠成王十三年。

鄭釐侯使許息來致地。平丘戶牖首垣諸邑。及鄭馳地。我取枳道與鄭鹿。  
河水注引。

同孫本馳地作馳道。

王及鄭釐侯盟于巫沙。以釋宅陽之圍。歸釐于鄭。  
濟水注引同。宅本作它。从濟水注引改。

齊威王立。  
此條本脫。史記魏世家索隱云。紀年齊桓

公之十八年而威王立。又田完世家索隱云紀年梁惠王十三年當齊桓公十八年後威王始見今補。

十二年

史記魏世家索隱引。作梁惠成王十四年。

魯恭侯宋桓侯衛成侯鄭釐侯來朝。

魏世家索隱引同。

於越子無疆卒。是為莢蠋卯。次

無疆立。

史記越世家索隱引紀年。無疆八年薨。是莢蠋卯。

十三年邯鄲成侯會燕成侯于安邑。

史記六國表梁惠成王十五年魯衛宋鄭侯來。集解徐廣曰紀年。一曰魯共侯來朝。邯鄲會燕成侯平安邑。似與上文作一年事。今本僅據史記。故附于此年。

遣將

龍賈築陽池以備秦。

此條本脫。太平寰宇記九引竹書紀年曰梁惠王十五年。遣將龍賈築陽池以備秦。水經濟水注云竹書紀年梁惠成王十二年龍賈築長城于西邊。自亥谷以南鄭所城矣。竹書云是梁惠成王十五年築也。與此條

合今補。

十四年

水經濟水注濟水注鮑丘水注引作梁惠成王十六年。

秦公孫壯伐鄆。圍焦城。不克。

濟水注引同。

秦公孫壯率師城上。積安陵。出民。

濟水注引。民作氏。

邯鄲伐衛。取漆富丘城之。

丘本作兵。從濟水注引改。

齊師及燕師戰于洵水。齊師遁。

鮑丘水注引同。燕下本脫師字。從鮑丘水注引補。

邯鄲四疇。室多壞。民多死。

此條本脫。從開元占經一百一引補。

十五年

水經濟水注洛水注澮水注澧水注引作梁惠成王十七年

齊田期伐我東鄙戰于桂陽我師敗逋

濟水注引同史記孫武列傳索隱引紀年云梁惠王十七年齊田忌敗梁于桂

陵又田完世家索隱云田成思戰國策作田期思紀年謂之徐州子期蓋即田忌也

東周與鄭高都

洛水注引同

鄭釐侯來朝中陽

澮水注引同

宋景鼓衛公孫倉

會齊師圍我襄陵

澧水注引景鼓作景公齊字本脫从澧水注引補

十六年

水經澧水注引作梁惠成王十八年

王以韓師敗諸侯師于襄陵

澧水注引王作惠成王今本無敗字諸侯下師字作帥縣今从澧水注改

齊侯使楚景舍來求

成

澧水注引同

邯鄲之師敗我師于桂陵

史記魏世家索隱引紀年十八年趙又敗魏桂陵

秦伐韓闕與惠成王使趙往破之

此條本譌作注下云

不知是何年是後採摭者附于此今从孫本徐本改作正文往字本脫吳本作王今从徐本補

十七年

水經沁水注引作梁惠成王十九年

燕人伐趙圍濁鹿趙靈王及代人救濁鹿敗燕師于勺梁

水經澧水注引同今本燕下脫入字勺下脫梁字代作伐

从澧水注引改

晉取元武濩澤

沁水注引同

十八年

史記蘇秦列傳正義太平寰宇記十三引作梁惠成王二十年

齊築房以爲長城

太平寰宇記引同蘇秦列傳正義引作齊閔王築防以爲長城

齊殺其王后

此條本脫史記田完世家

宋隱引紀年宣王八年殺其王后今補

十九年王如衛命公子南爲侯

漢書武帝紀注臣瓚曰汲郡古文謂衛將軍文子爲子南彌牟其後有子南周子南勤紀年勤朝于魏後魏成侯如衛命子南爲侯水經汝水注引同今本無勤朝于魏之文

二十年

今本僅有此年案今本紀年後入改从周正故子周王暨晉魏改元雖無事亦必紀年以存其舊此不應有年無事疑本有各條皆後人傳寫脫去餘倣此

韓弒其君悼公

此條本脫史記韓世家韓姬弒其君悼公索隱

云紀年姬亦作玃今

據年表補在此年

二十一年魏殷臣趙公孫哀伐燕還取夏屋城曲逆

水經澠水注引同

二十二年壬寅孫何侵楚入三戶郢

水經丹水注引同入本作人郢本作乳从丹水注引改丹水注引此本無年壬寅是紀日非紀年也

楚伐徐州

二十三年

水經汾水注引作梁惠成王二十五年

魏章帥師及鄭師伐楚取上蔡

水經汝水注引同

孫何取灑陽

水經潁水注引同

秦孝公會

諸侯于逢澤

水經渠水注引同案史記六國表梁惠王二十九年當秦孝公二十年諸侯畢賀會諸侯于澤集解徐廣曰紀年作逢澤此條當次在顯王二十七年今本以上三條皆僅據水經注所引不紀年故誤附于此

絳中地

壙西絕于汾

汾水注引同

二十四年。史記魏世家索隱引作梁惠成王二十六年。魏敗韓馬陵。魏世家索隱引同。

二十五年。

二十六年。水經渠水注引作梁惠成王二十八年。穰庇帥師及鄭孔夜戰于梁赫。鄭師敗逋。渠水注引穰庇作穰宜。與齊田盼戰于馬陵。史記魏世家

家索隱引同。孟嘗君列傳田忌與孫臏田嬰俱伐魏。敗之馬陵。索隱云紀年當梁惠王二十八年。孫武列傳索隱又引紀年云二十七年十二月齊田盼敗梁于馬陵。皆與今本異。

二十七年。水經泗水注史記魏世家索隱引作梁惠成王二十九年。五月。齊田盼及宋人伐我東鄙。圍平陽。魏世家索隱引無及宋人三字。泗水注引無五月二字。

秦衛鞅伐我西鄙。魏世家索隱引同。商君列傳索隱引我作梁。十月。邯鄲伐我北鄙。魏世家索隱引同。王攻衛鞅。我師敗逋。魏世家索隱引連作績。

二十八年。史記商君列傳索隱。水經濁漳水注引作梁惠成王三十年。城濟陽。水經濟水注引此作梁惠成王十三年。或是三十年傳寫之誤。秦封衛鞅于鄆。改名曰商。紀本作鄆。

濁漳水注引亦作鄆。從後漢書光武紀注引改。商本作尙。從濁漳水注引改。

二十九年。史記管世家索隱。水經渠水注引作梁惠成王三十一年。邳遷于薛。魯世家索隱引邳上有下字。三月。爲大溝于北鄆。以行圃田之水。渠水注引同。



三十年。今本僅有此年。秦與魏戰岸門。此條本脫史記秦本紀孝公二十四年與晉戰鴈門索隱云紀年云與魏戰岸門年表在孝公二十三年今據補。

三十一年。秦蘇胡帥師伐鄭。韓襄敗秦蘇胡於酸水。不知何年。附此。○案水經濟水篇注引此條。本不記年。今本已見。烈王二年復附于此。以此愈知今本紀年之爲後人所掇集也。

魏救中山。寒集胥口。史記蘇秦列傳集解引紀年曰。魏救山寒集胥口。索隱云。紀年作胥蓋亦津名。鮑彪國策注引作魏救中山。是集解所引本脫中字。今从之。以下三條本脫俱不知何年。今附于此。齊師伐趙東

鄙。圍中牟。左傳定九年正義。水經渠水注。傳引此條。陰司馬敗燕公子翬于武垣。見王存元豐九域志。

三十二年。

三十三年。鄭威侯與邯鄲圍襄陵。史記韓世家索隱引紀年云。鄭昭侯薨。次威侯立。威侯七年。與邯鄲圍襄陵。今本紀年不載威侯之立。尋按前後所引文義。孟嘗君列傳索隱引紀年。梁惠王後元十一年。韓昭侯猶在。

則威侯七年圍襄陵。當在顯王四十八年以後。今次于此。誤也。詳見下。

三十四年。魏惠成王三十六年。改元稱一年。史記魏世家田完世家索隱引同。王與諸侯會于徐州。於越子無疆伐楚。

三十五年。楚吾得帥師及秦伐鄭。圍綸氏。不知何年。附此。○水經洛水篇注。後漢書。路史後紀十四。引此。俱不記年。

三十六年。楚圍齊于徐州。遂伐於越。殺無疆。

史記越世家索隱云。按紀年。粵子無疆薨後十年。楚伐徐州。無敗。楚越殺無疆之語。是無疆爲無疆之後。紀年不得錄也。今本載在此年。距無疆薨後已二十

三年。又引遂伐越。殺無

疆。與索隱所引不同。

三十七年。

三十八年。龍賈及秦師戰于雕陰。我師敗逋。王會鄭威侯于巫沙。

史記韓世家索隱引紀年。威侯七年。與邯鄲圍襄陵。五月。梁惠王會威侯于巫沙。十月。鄭宣王

朝梁。皆一年。據索隱所引。梁惠成王後元十一年。韓昭侯猶在。昭侯卽于是年卒。威侯七年亦當在今王二年。豈有與梁惠王會于巫沙之事。索隱所引此文。疑有脫誤。

三十九年。秦取我汾陰皮氏。

四十年。

四十一年。秦歸我焦曲沃。

四十二年。九鼎淪泗。沒于淵。

孫本無泗字。

四十三年。

四十四年衛平侯卒子孝襄侯立

此條本脫史記衛世家平侯八年子嗣君立索隱云樂資據紀年以嗣君即孝襄侯今據年表補

四十五年楚敗我襄陵

史記孟嘗君列傳田嬰與韓昭侯魏惠王會齊宣王于平阿索隱引紀年當後元之十一年今本無此文

四十六年

四十七年會齊威王于郵

此條本脫史記孟嘗君列傳索隱引紀年此文在惠王後元十三年今補

四月齊威王封田嬰子薛十月齊城薛

此條亦據孟嘗君列

傳索隱

引補

四十八年王陟

薛子嬰來朝

此條亦據孟嘗君列傳索隱引在惠王後元十四年今補索隱又引紀年云嬰初封于彭城

鄭昭侯武薨次威侯立

此條本脫史記韓世家索

隱引紀年鄭昭侯武薨次威侯立威侯七年五月梁惠王會威侯于巫沙十月鄭宣侯朝梁據今本鄭宣王朝梁在隱王元年以索隱所引校之隱王元年今王立五年矣豈有梁惠王會威侯于巫沙之事足知今本紀年之謬今舊本既無可考證威侯之立仍依下文年次補于此年又史記韓非列傳索隱引紀年云韓昭侯之世兵寇屢交今亦無此文

慎覬王

元年辛丑秦取我曲沃平周

史記樛里子列傳秦惠王八年使將而伐曲沃盡出其人取其城地入秦索隱云王劭按本紀年表及此傳三處記秦伐國並不同又與紀年不合當即此事

齊威王薨

此條

亦據孟嘗君列傳索隱引紀年

在梁惠王後元十五年今補

二年魏惠成王薨

杜預春秋後序云紀年篇惠王三十六年改元從一年始至十六年而稱惠成王卒即惠王也

三年今王元年

史記魏世家集解云案古文惠成王立三十六年改元稱一年後十七年卒太史公書爲誤分惠成之世以爲二王之年數也世本惠王生襄王而無哀王然則今王者魏襄王也荀勗穆天子傳序亦云紀年今王於世本蓋襄王也

故諸書引今王紀年皆作魏襄王索隱云紀年之作失哀王之代故分襄王之年爲惠王後元即以襄王之

四年

五年

六年

史記趙世家集解引作魏襄王四年

鄭侯使韓辰歸晉陽及向

水經濟水注引無及字

二月城陽向更名陽爲河雍向爲高平

濟水注引

同趙世家集解引作河陽秦本紀集解又引作宜陽范雎列傳正義引平下有拔之二字

碧陽君之諸御產二龍

此條本脫開元古經一百十三引此文在今王四年今補

隱王

元年丁未十月鄭宣王來朝

秦史記韓世家昭侯卒子宣惠王立紀年作次威侯立索隱引紀年威侯七年十月鄭宣王朝梁不見威侯之卒下敗韓舉在威侯八年又韓舉下引紀年云其敗當韓威王八年鄭宣王即鄭威侯

事見文故或曰宣王或曰威侯古威宣通用史記齊宣王紀年作齊威王其證也故下文仍以威侯紀年明不卒于此年索隱疑此年不見威侯之卒分威侯與宣王爲二人非是又索隱云又有上殺悼公悼公又不知是誰之謚疑亦紀年之文

燕子之

殺公子平不克

史記燕世家燕人共立太子平索隱云紀年云子之殺公子平今此又云立太子平今本不克二字是後人據史記所增

齊師殺子之醢其身

燕世家集解引殺作醢

趙召公

子職於韓立以爲燕王

此條本脫史記趙世家有此文集解徐廣曰紀年亦云爾索隱云燕世家無其事蓋是疎也紀年之書其說又同則裴駟之解得其旨今據年表補

二年齊地暴長長七丈餘高一尺

太平御覽八百八十引此作謂隱王二年與今本同暴字本作景長下脫七字从御覽引改

魏以張儀爲相

秦取我焦

此條

本脫路史國名紀五引紀年魏襄王六年秦取我焦今補

三年

水經濟水注河水注引作魏襄王七年

韓明帥師伐襄丘

濟水注引同

秦王來見于蒲阪關

河水注引同

四月越王使公師闕來

獻舟三百箭五百萬及犀角象齒

河水注引獻下有乘舟始罔及五字萬下無及字

五月張儀卒

史記張儀列傳索隱引紀年云梁哀王九年五月卒史記哀王即紀年襄王也韓世家集

解亦云魏哀王十九年紀年于此說楚入雍氏楚人敗其時張儀已死十年則張儀之卒當在魏襄王九年五月不得次在此也

楚景翠圍雍氏韓宣王卒秦助韓共敗楚屈丐此條

本脫从史記韓世家集解引補 齊宋圍煮菑此條亦从韓世家集解引補

四年史記魏世家索隱引作魏襄王八年 翟章伐衛魏世家索隱引同 魏敗趙將韓舉史記韓世家索隱引在威侯八年當在鄭宣王朝梁之次年

五年水經洛水注引作魏襄王九年 洛入成周山水大出洛水注引同

六年水經濟水注引作魏襄王十年 十月大霖雨疾風河水溢酸棗郛溢字郛字本脫从濟水注引補 楚庶章帥師來會我次于襄丘濟水注引同

七年翟章救鄭次于南屈此中未的○案漢書地理志臣瓚注水經河水注引不記年漢書注引次作至

八年水經汾水注引作魏襄王十二年 秦公孫爰帥師伐我皮氏汾水注引我下有圍字 翟章帥師救皮氏圍疾西風汾水注引同

九年水經汾水注引作魏襄王十三年 城皮氏汾水注引同 褚里疾圍蒲不克秦惠王薨此條本脫史記樛里子列傳秦昭王元年樛里子將伐蒲索隱云紀年云褚里疾圍蒲不克而

秦惠王薨事與此合今據補

十年秦內亂殺其太后及公子雍公子壯。

此條本脫。从史記穰侯列傳索隱引補據秦本紀事在昭王二年。

十一年。

十二年秦拔我蒲坂晉陽胡谷。

史記魏世家哀王十六年秦拔我陽晉封陵。索隱云紀年作晉陽封谷。

十三年。

水經河水注引。作魏襄王十七年。

邯鄲命吏大夫奴遷于九原將軍大夫適子代史皆貂服。

河水注引九原下有命字代史作伐吏。

十四年。

十五年。

水經濟水注引。作魏襄王十九年。

薛侯來會王于釜丘。

釜丘本作答其。从濟水注引。改吳本孫本作釜丘。

楚入雍氏楚人敗。

史記韓世家集解。魏哀王十九年紀年于此亦

說楚入雍氏楚人敗。樛里子列傳索隱云是再闢也。

十六年王與齊王會于韓。

今王終二十年。

史記魏世家索隱云汲冢紀年終于哀王二十年。哀王卽襄王也。說已見前。